

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON

TUŽILAŠTVO SREDNJOBOSANSKOG KANTONA
Broj: T06 0 KT 0033586 23

OPĆINSKOM SUDU U TRAVNIKU
Sudiji za prethodno saslušanje

Na osnovu odredbe članka 45. stav 2. točka i), član 241. stav 1. Zakona o kaznenom postupku Federacije Bosne i Hercegovine, p o d i ž e m

O P T U Ž N I C U

Protiv:

1. **M. K.**, sin A. i majke I. dj.H., rođengodine u K., nastanjen u mjestu K. bb, općina T., pismen, završena osnovna škola, po zanimanju NK radnik, lošeg imovnog stanja, vojsku nije služio, ne vodi se u VE, Bošnjak, državljanin BIH, JMBG:..., osuđivan.
2. **E. P.** sin E. i majke V. dj. J., rođengodine u B., nastanjen ul. br.4, općina I., pismen, završena SSS, po zanimanju automehaničar, oženjen, otac troje djece, dobrog imovnog stanja, vojsku nije služio, ne vodi se u VE, Bošnjak, državljanin BIH, JMBG:..., osuđivan.

Što su:

Dana 28.05.2023. godine na magistralnom putu M5 u mjestu T., općina T. E.P. silom spriječio službenu osobu u obavljanju poslova javne sigurnosti, a M.K. napao službenu osobu u obavljanju poslova javne sigurnosti, tako što kada su policijski službenici PI Turbe zajedno sa prometnom patrolom PS Travnik napravili blokadu na magistralnom put M-5 iz pravca Komara prema Turbetu zaustavljajući motorna vozila sa obje strane kolovoza radi kontrole vozila zbog prethodne dojave PS Travnik da se NN lica koja su upravljajući pmv VW Šaran ili Seat sive boje njemačkih registarskih oznaka i motornim vozilom Škoda domaćih registarskih oznaka nakon počinjenih prekršaja u prometu nisu zaustavili policijskoj patroli PS Jajce i policijskoj patroli PS Donji Vakuf, dolaskom do policijske blokade zaustavljeni u koloni vozila osumnjičeni E.P. upravljajući vozilom Seat Alhambra naglo izišao iz kolone vozila desno i nastavio se kretati trotoarom pa kada je policijski službenik D.N. podigao ruku dajući znak istom da stane, nastavio se kretati sa vozilom povećavajući brzinu, te se udaljio se u pravcu Travnika svjestan da na taj način upotrebom sile sprečava policijske službenike u obavljanju poslova sigurnosti a što je i htio, odmah zatim je osumnjičeni M.K. upravljajući vozilom Škoda Octavia izišao iz kolone vozila pa kada je policijski službenik M.G. podigao ruku dajući istom znak da smanji brzinu i zaustavi vozilo, po kojem zahtjevu osumnjičeni M.K. nije postupio nego se nastavio kretati vozilom ubrzavajući prema policijskom službeniku M.G. koji je skočio u stranu kako bi izbjegao kontakt sa navedenim vozilom, dok je osumnjičeni M.K. zaobišao

kolonu vozila i blokadu te se udaljio u pravcu Travnika, svjestan da na taj način napada službenu osobu u obavljanja poslova javne sigurnosti, nakon čega su navedena vozila ostavili pred kućom A.A. u T. ... i udaljili se u nepoznatom pravcu.

Dakle, E.P. silom spriječio službene osobe pri obavljanju poslova javne sigurnosti, a M.K. napao službenu osobu u obavljanju poslova javne sigurnosti

Čime su počinili:

E.P. kazneno djelo Sprečavanje službene osobe u vršenju službene radnje iz člana 358. stav 3. u vezi sa stavom 1. Kaznenog zakona Federacije.

M.K. kazneno djelo Napad na službenu osobu u vršenju poslova sigurnosti iz člana 359. stav 1. Kaznenog zakona Federacije BiH.

KANTONALNA TUŽITELJICA